

**PREDLOG ZA DAVANJE SAGLASNOSTI NA PREDLOG ODREDBA STATUTA
OPŠTINE GUSINJE KOJIMA SE UTVRĐUJE OBLIK I SADRŽINA SIMBOLA I
PRAZNIK OPŠTINE GUSINJE**

Zakonom o lokalnoj samupravi (Šluđbeni list CGñbr.2/2018) odredbom člana 22, propisano je da općina može imati grb i zastavu (simbole) i praznik, da se oblik i sadržina simbola, kao i praznik općine uređuju statutom općine i da na odredbe statuta kojim se uređuje oblik i sadržina simbola i praznik općine, saglasnost daje Vlada Crne Gore.

Odredbom člana 6 Predloga Statuta Općine Gusinje, propisano je, da:

Općina Gusinje ima grb i zastavu (simboli općine).

Grb općine je oblika štita, na čijoj površini su naslikane prirodne ljepote Gusinja, na gornjem dijelu grba je prikazan prirodni fenomen- vrhovi sastavljenih stijena sive boje, dok su u donjem dijelu grba naslikani izvori rijeka i livade plave i zelene boje kao i podneblje je bijele boje.

Zastava općine je pravougaonog oblika čija je dužina najmanje dvostruko veća od širine, sa podlogom svijetlo-plave boje sa ucrtanim grbom općine u sredini.

Grbovno rješenje odnosno svi elementi grba i zastave koji su opisani u navedenoj odredbi, predstavljaju izuzetne prirodne ljepote područja Gusinja i neponovljivost i specifičnost općine u dijelu prirodnih ljepota ovog kraja.

Odredbom člana 7 Predloga Statuta, propisano je, da:

Općina ima svoj praznik.

Praznik općine je 5. avgust - dan oslobođenja Gusinja.

Dan 5 avgust se obilježava kao događaj kada je Peta proleterska brigada oslobodila Gusinje od fašističkog okupatora u Drugom svjetskom ratu i predstavlja jedan od najznačajnijih datuma u istoriji Gusinja. Opredjeljenje da se, za dan općine odredi dan oslobođenja od fašizma je i u skladu sa osnovnim vrijednostima na kojima se temelji država Crna Gora, vrijednosti antifašizma.

U cilju usaglašenosti sa odgovarajućim istorijskim, kulturnim i drugim obilježjima, utvrđenim članom 22 Zakona o lokalnoj samoupravi, Ministarstvo javne uprave je dostavilo predlog odredbi Statuta koje utvrđuju grb, zastavu i praznik Općine Gusinje, Ministarstvu za ljudska i manjinska prava i Ministarstvu kulture, da se izjasne na usaglašenost predloga oblika i sadržine grba i zastave kao i praznika, sa odgovarajućim istorijskim, kulturnim i drugim obilježjima i simbolima pripadnika manjinskih naroda i drugih manjinskih nacionalnih zajednica.

Navedena ministarstva su dostavila mišljenja da nemaju primjedbi i sugestija na odredbe čl. 6 i 7 Statuta kojim se propisuje oblik i sadržina grba, zastava i praznik općine i da su saglasni sa istim.

Imajući u vidu gore navedeno, kao i mišljenja nadležnih ministarstva, Ministarstvo javne uprave smatra da grb i zastava kao i praznik Općine Gusinje imaju sadržaje koji odgovaraju istorijskim, kulturnim, prirodnim i drugim obilježjima općine, da nijesu u istovjetnom ili modifikovanom obliku sa državnim simbolima, simbolima pripadnika manjinskih naroda i drugih manjinskih

nacionalnih zajednica, niti sa državnim simbolima drugih država, ili sa znakom političke partije, privrednog društva, ustanove, drugog pravnog lica ili organizacije, te da su odredbe čl. 6 i 7 Predloga Statuta Opštine Gusinje, kojim se utvrđuju oblik i sadržina grba, zastava i praznik opštine, u skladu sa odredbama člana 22 Zakona o lokalnoj samoupravi.

S tim u vezi, predlažemo sljedeći:

ZAKLJUČAK

Vlada Crne Gore je dala saglasnost na odredbe člana 6 i 7 Predloga Statuta Opštine Gusinje kojim se utvrđuju oblik i sadržina simbola (grb i zastava) i praznik opštine.